

Adieu und Danke

Liebschti Elisabeth, liebi Familie, liebi Fründe u Bekannti

I ha guet gläbt, ha viu Fröid gha u weni Leid erfahre. I möchti danke für öiji Liebi, öiji Fründschaft, Kameradschaft u öijies Dasy.

I dr letschte Zyt wird mi Läbes-Chraft gäng echli weniger und i gschpüre, das i gly einisch wirde zu mire letschte Reis ufbräche. Öich allne wünsche i alles Guete. Öiji

Alice Sütterlin

16. Oktober 1923 bis 1. März 2019

Liebi Alice, danke für dini Wort wo du für üs no sälber gschribe hesch. I grossem Vertroue u töifem Fride hesch du am 1. März uf dini letschti Reis dörfe ga. Dini Wort berühre üs fescht. Du hesch i dim Läbe viu Liebi u viu Fröid verschänkt. U we mir a di und üsi Zyt zrügg danke, wird es üs warm ums Härz.

Du hesch gwünscht, dass mir ersch nach dr Abschiedsfyr e Azeig i dr Zytig mache. Drum danke mir uf däm Wäg allne, wo di uf dim letschte Wäg i dr Kapelle vom Schosshaldefriedhof und ufem Wäg zum Grab begleitet hei.

E bsundere Dank geit a Dr. med. Simon Aeschmann, für die jahrelangi medizinische Begleitig, äbeso ou dr Spitex Delta, wo di bis zletscht deheime liebevoll pflegt und betreut het.

Härzlich danke mir für das schöne «Huskonzärt» gschpilt vo dr Christine Brechbühl, dr Bettina Steiner und dr Annette Neuhaus und em Liedermacher Werner Brechbühl für sini schöne Liedervorträg.

Dr Marianna Reinhard danke mir für ihri Begleitig während em Abschied und dr Gstaltig vo dr Abschiedsfyr.

Im März 2019

Elisabeth Nussbaum, Bernstrasse 17, 3072 Ostermundigen, Verwandti und Bekannti